

JAWAPAN

UNIT 1

Anda Sihat, Anda Ceria

Kemahiran Membaca

Gaya hidup sihat merupakan amalan yang membawa impak positif kepada individu, keluarga, dan masyarakat. Berdasarkan rajah yang diberikan, terdapat lima langkah mudah untuk mencapai matlamat ini. Langkah pertama ialah jauhi amalan pengambilan bahan-bahan bertoksik seperti rokok, alkohol, dan dadah. Hal ini demikian kerana, kesannya boleh memudaratkan kesihatan untuk jangka masa panjang. Dalam pada itu, elakkan daripada mengambil makanan ringan. Pemilihan makanan yang berkhasiat seperti susu segar, jus buah, dan sayuran mentah hendaklah dididik sejak kecil lagi. Hal ini penting kerana, corak pemakanan yang diamalkan pada waktu kecil ini biasanya akan menjadi tabiat seumur hidup. Di samping itu, setiap orang memerlukan tidur yang mencukupi, iaitu tujuh hingga sembilan jam sehari. Tidur yang berkualiti ini dapat memberikan tenaga untuk pulih daripada ketegangan hari sebelumnya dan membantu untuk kekal cergas sepanjang hari. Langkah yang seterusnya ialah melakukan aktiviti fizikal dalam rutin seharian. Contohnya, melakukan kerja yang melibatkan fizikal dan bersenam. Aktiviti ini menjadikan badan lebih sihat dan cergas serta mengurangkan risiko penyakit. Selain itu, usahalah untuk mengelakkan stres yang melampau. Stres boleh mengganggu kesihatan selain menyebabkan pertambahan berat badan dan pelbagai jenis penyakit. Antara kaedah untuk mengurangkan stres termasuklah bertenang, bernafas dengan dalam, beribadat, bercakap dengan seseorang, berurut, berehat dan mendengar muzik, beriadah, dan berfikiran positif. Langkah terakhir ialah mengelakkan makan makanan yang diproses, contohnya sosej, burger, dan mi segera. Pemakanan yang tidak sihat merupakan punca pelbagai jenis penyakit. Amalkan tip ini seumur hidup walaupun amalan ini memerlukan masa untuk menjadi rutin harian.

UNIT 2

Kebersihan Lambang Keperibadian

Kemahiran Menulis

- Bidang sukan bukan sahaja dapat melahirkan ahli sukan sematamata, tetapi juga berperanan untuk memupuk perpaduan antara kaum.
- Aktiviti sukan melibatkan pelbagai etnik yang membuka peluang untuk bekerjasama dan saling memahami di samping mengeratkan hubungan antara satu sama lain.
- Sebarang usaha untuk memantapkan aktiviti sukan sebagai mengukuhkan perpaduan perlu diberikan dokongan dan sokongan oleh setiap lapisan masyarakat.
- Keharmonian negara dapat dicapai jika masyarakat memahami fungsi sukan dalam membentuk perpaduan kaum.
- Perpaduan kaum merupakan suatu misi yang amat penting agar Malaysia dapat mengorak langkah menuju ke arah pembentukan negara bangsa dan menjadi sebuah negara yang mampu berdiri sama tinggi, duduk sama rendah dengan negara-negara maju.

Aspek Tatabahasa

Anda, Kami, kita ; mereka, saya

UNIT 3

Indahnya Menuntut Ilmu

Kemahiran Mendengar dan Bertutur

1. Kerajaan memperkenalkan sistem pendidikan maya di negara kita adalah untuk memartabatkan sistem pendidikan negara agar setanding dengan sistem pendidikan di negara-negara maju.
2. Pendidikan maya dapat ditakrifkan sebagai satu bentuk pendidikan masa depan yang akan memaksimumkan penggunaan teknologi dan maklumat dalam proses pengajaran dan pembelajaran.
3. Ada antara pelajar tidak dapat melanjutkan pelajaran di institusi pengajian tinggi walaupun memperoleh keputusan yang baik dalam peperiksaan kerana kemudahan seperti bilik kuliah dan tenaga pengajar yang agak terhad.
4. Berdasarkan petikan, kebaikan pembelajaran secara maya ini ialah memberikan peluang yang lebih luas kepada masyarakat untuk melanjutkan pelajaran, membolehkan para pelajar mengikuti tutorial tanpa perlu terikat dengan waktu pembelajaran di dalam kelas, memudahkan para pelajar melakukan perbincangan pada bila-bila masa dan di mana-mana sahaja, dan turut membuka peluang kepada para pelajar untuk berinteraksi dengan menggunakan Internet yang secara tidak langsung dapat menjimatkan masa para pelajar.

UNIT 4

Ilmu Penyuluh Hidup

Kemahiran Menulis

1. diamalkan
2. sukatan pelajaran
3. hubungan
4. berkesan
5. sistem yang merangkumi kaedah dan prinsip yang digunakan dalam sesuatu aktiviti
6. maklumat
7. hasil dan mutu yang diperolehi
8. di bawah jagaan

Aspek Tatabahasa

1. lelabu
2. jejentik
3. tetupai
4. mudah-mudahan
5. Dedaun
6. tetamu
7. orang-orangan
8. mati-matian
9. sesawang
10. selewat-lewatnya

**UNIT
5**

Cita-cita Setinggi Bintang

Kemahiran Mendengar dan Bertutur

- Kapten Kamarudin dibesarkan di Sungai Ayer Tawar, di Sabak Bernam, Selangor.
- Cita-cita itu bermula selepas beliau menyertai lawatan ke Lapangan Terbang Sultan Abdul Aziz Shah, Subang, Selangor anjuran sekolahnya.
- Selepas tamat Sijil Pelajaran Malaysia, Kapten Kamarudin telah melanjutkan pelajaran pada peringkat asasi di Universiti Malaya.
- Sepanjang bertugas sebagai juruterbang, Kapten Kamarudin berpengalaman dalam menerbangkan pesawat jenis Boeing 737-400, Boeing 747-400, Boeing 777-200, dan Airbus A300.

Kemahiran Membaca

Pada pandangan Aina, untuk menjadi murid yang cemerlang, seseorang itu haruslah cemerlang dalam bidang akademik, kokurikulum, sahsiah, dan kepimpinan. Selain berusaha dengan bersungguh-sungguh untuk mencapai kecemerlangan dalam bidang akademik, seseorang murid juga tidak harus mengabaikan suruhan Tuhan dan sentiasa berdoa kepada-Nya. Dalam pada itu, menurut Aina, seseorang murid haruslah sentiasa bersikap sopan dengan orang yang lebih tua serta tidak melakukan perkara yang boleh menjejaskan nama baik diri, keluarga, dan sekolah.

**UNIT
6**

Budi Disemai, Bakti Dituai

Kemahiran Mendengar dan Bertutur

Tidak dapat dinafikan bahawa setiap pekerja pasti mempunyai keinginan untuk mencapai kecemerlangan dalam pekerjaan. Kecemerlangan ini dapat dicapai sekiranya seseorang pekerja itu berusaha untuk memajukan dirinya dan prestasi kerjanya dengan sentiasa menambahkan ilmu, sama ada dari segi teori, praktikal, ataupun penaakulan. Selain itu, mereka juga harus menunjukkan sikap kepimpinan yang tinggi. Pekerja yang cemerlang tidak akan memberikan alasan tetapi sentiasa menunjukkan kesediaan untuk menjadi pemimpin dalam sesuatu organisasi dan berusaha untuk mencapai matlamat syarikat serta mencari strategi untuk mencapai matlamat tersebut. Seseorang pekerja juga haruslah berusaha untuk meningkatkan kecekapan dalam setiap bidang kerjaya yang diceburi. Sekiranya seseorang pekerja itu cekap melakukan tugasannya, maka dia akan dapat melaksanakan tugas, mencari maklumat, atau mengendalikan sesuatu masalah dengan baik. Di samping itu, seseorang pekerja perlulah mempunyai keberanian untuk mengambil risiko, iaitu berani untuk menerima cabaran dan sanggup untuk menerima tugas besar.

Kemahiran Menulis

Kerjaya yang menjadi pilihan saya
Inspektor polis
Kelayakan yang diperlukan
<ol style="list-style-type: none"> 1. Memiliki ijazah sarjana muda kepujian yang diiktiraf oleh kerajaan daripada institusi pengajian tinggi tempatan atau kelayakan yang diiktiraf setaraf dengannya. 2. Tinggi sekurang-kurangnya 1.63 meter bagi lelaki dan 1.57 meter bagi wanita tanpa sepatu. 3. Berat badan sekurang-kurangnya 50 kilogram bagi lelaki dan wanita sekurang-kurangnya 48 kilogram. 4. Mempunyai ukuran indeks jisim badan (BMI) di antara julat 19 hingga 26.

5. Ukuran lilitan dada biasa 81 cm dan semasa menarik nafas 86 cm bagi lelaki sahaja.
6. Lulus ujian penglihatan bagi mata kiri dan kanan yang diuji secara berasingan dengan ketetapan V/6/9 tanpa atau menggunakan cermin mata atau kanta lekap.
7. Pengecaman warna dan pendengaran yang tidak cacat.
8. Diperiksa dan diperakui sihat untuk berkhidmat oleh pengamal perubatan berdaftar.

**UNIT
7**

Remaja Berintegriti

Kemahiran Mendengar dan Bertutur

- Veera : Seri, kalau tiada apa-apa rancangan pada cuti sekolah ini, marilah kita ke perpustakaan awam.
- Seri : Bagus juga. Bolehlah kita membaca buku-buku cerita di sana.
- Veera : Selain membaca buku cerita, kita juga boleh mengulang kaji pelajaran. Peperiksaan pun semakin hampir. Jadi kita perlu banyak membaca supaya kita dapat menjawab peperiksaan dengan baik dan seterusnya lulus dengan cemerlang.
- Seri : Saya bersetuju dengan kata-kata kamu. Selain itu, amalan membaca ini dapat juga menambahkan kosa kata kita. Sehari selebar benang, lama-lama menjadi kain. Begitulah keadaannya apabila kita membaca, kosa kata kita sentiasa bertambah dan khazanah bahasa seperti peribahasa dan ungkapan menarik semakin kita kuasai.
- Veera : Betul Seri. Dalam pada itu, apabila kita dapat memanfaatkan masa kita dengan mengunjungi perpustakaan, kita dapat mengelakkan diri daripada terlibat dalam aktiviti yang tidak berfaedah seperti berbual-bual kosong dan melepak di pusat beli-belah. Semasa di perpustakaan juga kita boleh membaca bahan-bahan ilmiah yang terdapat di perpustakaan.
- Seri : Ya, Veera. Pembacaan bahan-bahan ilmiah ini dapat membantu kita menjawab soalan peperiksaan yang berteraskan KBAT.
- Veera : Baiklah Seri. Cuti sekolah yang akan datang ini kita akan pergi ke perpustakaan. Saya akan meminta kebenaran daripada ibu bapa saya.
- Seri : Baiklah Veera. Saya juga akan meminta kebenaran daripada ibu bapa saya..

Kemahiran Menulis

Belakangan ini, berita tentang gejala rasuah sering terpampang dalam akhbar. Hal ini menunjukkan gejala rasuah semakin menular dalam kalangan masyarakat kita. Rasuah didefinisikan sebagai sogokan atau bermaksud wang yang diberikan oleh orang tertentu kepada pihak lain untuk menyembunyikan sesuatu perkara atau untuk mendapatkan sesuatu dengan cara yang mudah dan cepat tetapi salah mengikut undang-undang negara. Gejala rasuah di Malaysia semakin meningkat dan keadaan ini amat membimbangkan kerana gejala rasuah ini memberikan kesan yang buruk kepada nama baik negara. Rasuah yang berleluasa juga mencemarkan integriti dan maruah Malaysia sekali gus menimbulkan pelbagai kesan negatif.

**UNIT
8**

Integrasi Teras Kehidupan

Kemahiran Mendengar dan Bertutur

1. perbuatan memupukkan dan menyebarkan
2. wahana proses belajar

3. kelolaan
4. dua pihak yang saling membantu
5. membangkitkan keinginan
6. sumber intelek yang ada pada seseorang manusia
7. ketua yang terkenal
8. masa muda

Aspek Tatabahasa

1. bukan sahaja; malahan; kepada; lagi
2. akan; mahupun
3. tidak; dan; boleh
4. harus; bagi; antara
5. sangat; sudah; dengan
6. bahawa; paling; dalam



Bahasaku di Persada Dunia

Kemahiran Mendengar dan Bertutur

Pencemaran bahasa merangkumi kesalahan bahasa dan aspek tatabahasa, struktur ayat, ejaan, istilah, penggunaan "bahasa rojak", dan sebagainya. Kini, penggunaan bahasa Melayu yang betul dan gramatis hanya dipandang ringan oleh masyarakat. Bahasa yang dahulunya menjadi "lingua franca" kini kian hilang martabatnya apabila penggunaannya yang membabi buta tidak dikenakan tindakan. Hal ini akan menyebabkan bahasa Melayu menjadi satu bahasa yang rendah martabatnya kerana bangsa yang menggunakan bahasa itu sendiri tidak mempunyai inisiatif untuk memperkasakan bahasa Melayu. Oleh itu, pihak yang berkenaan perlulah mengambil langkah yang proaktif dan efisien agar nilai dan martabat bahasa Melayu dapat dikekalkan.

Kemahiran Menulis

- dilahirkan pada
- mendapat pendidikan awal
- dihantar oleh keluarganya
- mengemukakan pelbagai persoalan
- mencapai kemerdekaan
- penulisan novel
- kesibukannya berkhidmat
- melontarkan idea-idea
- petah berhujah
- perkembangan sastera Melayu
- menjadi seorang sasterawan
- memberikan sumbangan



Indah Sastera, Cantik Bahasa

Kemahiran Menulis

Ayat topik	Panduan	Ayat Huraian
Antara peranan bahasa Melayu adalah sebagai bahasa pengantar dalam sistem	digunakan sepenuhnya di sekolah – terkandung dalam Laporan Razak 1957 dan 1961	Ketetapan bahasa Melayu digunakan sepenuhnya di sekolah sebagai bahasa pengantar terkandung dalam Laporan Razak

pendidikan negara kita.	– berkembang sehingga menjadi bahasa moden – asas pembinaan negara bangsa yang maju dan berdaulat	1957 dan 1961. Hal ini membolehkan bahasa Melayu berkembang menjadi bahasa moden serta mampu menjadi asas pembinaan negara bangsa yang maju dan berdaulat.
Bahasa Melayu juga berperanan sebagai bahasa perpaduan dalam kalangan masyarakat Malaysia.	digunakan sebagai alat perhubungan dalam kalangan masyarakat – menyatupadukan rakyat yang berbilang kaum	Bahasa Melayu digunakan sebagai alat perhubungan dalam kalangan masyarakat Malaysia. Penggunaan bahasa yang sama ini menyatupadukan rakyat yang berbilang kaum.
Bahasa Melayu juga merupakan bahasa rasmi yang digunakan dalam urusan rasmi di pejabat-pejabat kerajaan negara ini.	menjadi sarana komunikasi dalam bidang pentadbiran – semua urusan rasmi peringkat kerajaan persekutuan, kerajaan negeri, dan badan berkanun	Sebagai bahasa rasmi, bahasa Melayu ditetapkan menjadi sarana komunikasi dalam bidang pentadbiran negara kita. Hal ini mencakupi semua urusan rasmi peringkat kerajaan persekutuan, kerajaan negeri, dan badan berkanun.

Aspek Tatabahasa

A

Sudah dua bulan berlalu. Namun begitu, pengalaman Denitha semasa menyertai pertandingan mendeklamasikan sajak tidak pernah dilupakan oleh Denitha. Pertandingan ini merupakan aktiviti yang paling popular pada "Minggu Bahasa" di sekolahnya. Denitha menghadapi persaingan yang sangat sengit daripada 10 orang pesaing yang hebat belaka. Denitha mendeklamasikan sajak Rahman Shaari yang bertajuk "Anugerah Terindah". Sajak yang indah itu dideklamasikan oleh Denitha dengan baik sekali. Setelah selesai mendeklamasikan sajak itu, Denitha mendapat tepukan yang paling gemuruh daripada para penonton.


B

1. Adik bongsu saya masih kecil.
2. Bapa tidur dengan sungguh nyenyak kerana keletihan.
3. Mereka letih lesu selepas pulang daripada perkhemahan itu.
4. Segala pengalaman pahit manis akan tersimpan dalam kenangannya.
5. Kain batik yang berwarna merah jambu itu sangat cantik.
6. Dia sangat gugup ketika bercakap dengan anggota polis itu.
7. Buku ini mengandungi koleksi sajak yang dihasilkan oleh penyajak yang paling popular di negara ini.
8. Siti Suraya telah mendeklamasikan sajak itu dengan begitu baik sekali.

Kemahiran Membaca

1. Bangunan yang didirikan pada tahun 1910 ini mempunyai ciri-ciri seni bina Mughal.
2. Bangunan ini turut merangkumi sebuah hotel, iaitu Hotel Stesen.
3. Stesen ini masih beroperasi walaupun stesen utama Kuala Lumpur telah berpindah ke KL Sentral.
4. Stesen ini merupakan antara lokasi bergambar yang popular di sekitar Kuala Lumpur.

Aspek Seni Bahasa




Kemahiran Mendengar dan Bertutur

1. Wayang kulit merupakan teater tradisional yang menggunakan prinsip cahaya dan bayang.
2. Pelbagai bentuk dan jenis wayang kulit boleh didapati di Asia.
3. Persembahan wayang kulit selalunya diiringi oleh satu kumpulan muzik puaan atau gamelan dan juga alat tiupan dan alat bertali.
4. Pada asasnya, kesemua bentuk atau jenis wayang kulit yang terdapat di Semenanjung Malaysia mempunyai pengaruh sama ada dari Jawa atau Patani.
5. Walau bagaimanapun, aliran cerita, bentuk patung, dan watak masih lagi mengekalkan keaslian dan pengaruh asalnya.

Aspek Seni Bahasa

Malim Kundang anak yang derhaka,
 Ibu kandung diherdik dan diusir,
 Ibu yang membesarkan kamu dicaci,
 Walhal wanita itulah membesarkan kamu,
 Malah dihalau ibu tua itu dengan biadap,
 Dengan sedih kedua-dua tangan diangkat,
 Petir berdentam-dentum, angin bertiuap kencang,
 Sumpahan ibu menjadi kenyataan,
 Malim Kundang serta seisi kapal menjadi batu.

Kemahiran Mendengar dan Bertutur



Kemahiran Membaca

Rangkap 1

Hari Guru diraikan untuk mengingatkan guru-guru akan tanggungjawab mereka, iaitu memikul amanah mendidik anak bangsa supaya menjadi manusia yang berguna kepada bangsa dan negara.

Rangkap 2

Di samping itu, pada Hari Guru, para guru sendiri dituntut untuk muhasabah diri sama ada keazaman mereka menjadi guru yang berwibawa masih lagi kukuh atau tidak. Adakah mereka telah menaburkan bakti dengan penuh semangat atau mereka gagal melakukannya kerana halangan tertentu?

Rangkap 3

Pada Hari Guru, kedengaran kata-kata pujian diucapkan untuk menghormati dan mengenang jasa guru.

Kemahiran Menulis
Pendahuluan

Permainan tradisional ialah permainan yang diperkenalkan dan dimainkan oleh masyarakat dahulu untuk mengisi masa lapang. Antara permainan tradisional seperti layang-layang, congkak, dan batu seremban masih dikenali oleh masyarakat sehingga hari ini. Namun demikian, permainan tradisional jarang mendapat tempat dalam kalangan generasi muda kerana adanya permainan elektronik. Oleh hal yang demikian, pelbagai usaha perlu dilakukan untuk mempopularkan permainan tradisional ini.

Kesimpulan

Kesimpulannya, pihak kerajaan dan badan bukan kerajaan perlu bekerjasama dalam usaha mempopularkan permainan tradisional ini. Masyarakat pula perlu menyokong usaha pelbagai pihak dalam mempopularkan permainan tradisional. Usaha yang berterusan penting supaya generasi muda dapat mengenali dan meminati permainan tradisional. Permainan tradisional ibarat tak lapuk dek hujan, tak lekang dek panas sekiranya dimanfaatkan oleh pelbagai pihak.

Aspek Tatabahasa

- (a) Ibu memberi adik wang saku sebanyak RM2.
(b) Saya memberikan buku itu kepada adik saya.
- (a) Ayah menghadahi kakak sebuah komputer riba.
(b) Deva telah menghadahi sebuah basikal kepada anaknya.
- (a) Saya membeli baju ini dengan harga yang mahal.
(b) Abang membelikan saya sepasang kasut yang cantik.
- (a) Dia mendekati Cikgu Ramlan untuk bertanya tentang soalan itu.
(b) Kakak mendekati sajian kuih-muih itu kepada para tetamu.
- (a) Dia telah mengangkat batu yang berat itu.
(b) Ahli pengakap itu mengangkat topinya sebagai tanda hormat ketika upacara lintas hormat.
- (a) Rozita sedang sibuk menghidangi tetamu yang berkunjung ke rumahnya.
(b) Ibu menghidangkan nasi ayam yang dimasaknya tadi di atas meja.
- (a) Atika ke Putrajaya untuk menemui kakaknya yang menetap di sana.
(b) Doktor di hospital itu telah menemukan cara mengubati penyakit itu.
- (a) Tugu itu dibina bagi memperingati para pejuang yang telah berkorban untuk negara.
(b) Ibu memperingatkan saya supaya pulang awal ke rumah hari ini.

UNIT 15 Keselamatan Diri

Aspek Tatabahasa

- peka pada keadaan – peka akan keadaan
- kenalpasti – kenal pasti
- untuk ke – ke
- Pihak berkuasa arahkan – diarahkan oleh pihak berkuasa
- terkini cuaca – terkini tentang cuaca
- perabut taman – perabot taman
- mengelakkan dihanyutkan – mengelakkan daripada dihanyutkan
- dalam – di dalam
- semua peralatan – peralatan
- jika sekiranya – jika / sekiranya

UNIT 16 Anda Prihatin, Anda Selamat

Cara-cara untuk mengelakkan daripada diragut

- Melengkapkan diri dengan langkah-langkah keselamatan

- Sentiasa peka tentang bahaya jenayah ragut
- Mengelakkan daripada berjalan sendirian
- Mengawasi orang-orang yang mencurigakan
- Memegang beg tangan dengan cara yang betul
- Tidak memakai barang kemas secara berlebihan

Aspek Seni Bahasa

Sajak Pada Sekuntum Mawar	Tema	Peringatan kepada gadis remaja akan kepentingan menjaga kesucian diri.
	Persoalan	(a) Ketinggian harga diri seseorang gadis. (b) Kehidupan seseorang gadis yang tidak menjaga maruah diri akan menjadi gelap. (c) Kepentingan menjaga kesucian diri melalui keimanan yang teguh.
	Nilai	(a) Kasih sayang – Memelihara maruah diri demi kasih sayang terhadap keluarga. (b) Berhemah tinggi – Seseorang gadis haruslah bersopan dan menjaga tingkah laku.
	Pengajaran	(a) Kita hendaklah menjaga kehormatan diri pada setiap masa kerana harganya tidak ternilai. (b) Kita haruslah mempunyai keimanan yang teguh agar maruah diri tidak tergadai. (c) Janganlah kita hanyut dengan godaan dunia sehingga menggadaikan maruah diri sendiri.

UNIT 17 Sukan Milik Semua

Kemahiran Mendengar dan Bertutur

Kawan-kawan, saya memohon maaf kerana tidak dapat menghadiri sesi latihan pada petang semalam. Saya berasa kecewa kerana tidak dapat bersama-sama kalian semalam. Sebenarnya, saya telah mengikut ibu dan ayah saya balik ke kampung kerana ada kematian. Maafkan saya kawan-kawan.

Kemahiran Menulis

Langkahku memecut di medan perlumbaan,
Tepukan gemuruh membakar semangatku,
Tanpa bimbingan guru, tanpa galakan dan doa ayah ibu,
Sukar untuk aku meraih kejayaan ini,

Aku tidak akan menghampakan mereka,
Akan aku cuba sedaya upaya,
Menjadi juara dalam perlumbaan ini,
Aku tahu penat lelahku tidak akan mensia-siakan harapanku,
Sesungguhnya aku yakin,
Akulah orang yang pertama melepasi garisan penamat.

**UNIT
18**

Seronoknya Beriadah

Kemahiran Mendengar dan Bertutur

- Maafkan saya, Nurin. Petang ini, saya ada aktiviti berbasikal di Bukit Saujana. Marilah ikut serta. Banyak faedah yang akan kita peroleh.
- Aktiviti berbasikal? Macam menarik, tetapi apa faedahnya, Atira?
- Banyak faedahnya. Selain dapat memenuhi masa lapang kita, aktiviti ini dapat menjadikan badan kita sihat dan cergas. Sekiranya badan kita sihat, maka perkembangan otak akan berlaku dan seterusnya kita lebih mudah menerima pelajaran yang diajarkan oleh guru-guru.
- Benar, Nurin. Selain badan kita cergas, kita dapat juga menambahkan kenalan. Hal ini demikian kerana, aktiviti berbasikal yang saya sertai ini diadakan secara berkumpulan. Dengan itu, sikap kerjasama, tolong ansur, dan perpaduan dapat dipupuk dalam kalangan kami.
- Wah, menarik! Saya akan meminta izin daripada ibu saya dahulu. Selepas itu, saya akan hubungi Atira.

Kemahiran Menulis

Sukan memberikan manfaat kepada kelompok masyarakat yang bernaung di bawahnya. Kini, aktiviti sukan telah mengalami zaman peralihan fungsi asalnya, iaitu memberikan kesihatan kepada tubuh badan, bertukar menjadi kegiatan fizikal yang dipertandingkan untuk mencapai kemenangan. Memang pada asalnya, sukan dikatakan boleh menyihatkan tubuh badan, tetapi kini telah menjadi aset sesebuah negara dalam memelopori kemasyhuran. Ternyata sukan dapat membantu negara mengharumkan namanya di persada dunia.

Dari segi ekonomi pula, sukan telah membuka satu lagi hubungan erat antara sukan, media, dan syarikat pengiklanan. Syarikat-syarikat televisyen berlumba-lumba untuk membuat liputan secara langsung sesuatu acara sukan dan tidak ketinggalan juga syarikat pengiklanan yang tidak putus-putus mahu menjadi penaja utama. Bagi negara yang mempunyai rakyat berbilang kaum seperti Malaysia, sukan dapat digunakan sebagai alat integrasi dalam usaha menyatupadukan segenap lapisan masyarakat. Hal ini tidak menghairankan kerana kegiatan sukan yang melibatkan pelbagai kaum dan etnik telah menyediakan peluang untuk mereka sentiasa bekerjasama, saling memahami, dan menyemai konsep memerlukan antara satu sama lain.

Selain itu, jalinan politik antara negara dapat juga diperkukuh dengan pelbagai temasya sukan yang dianjurkan seperti Piala Dunia, Sukan Olimpik, Sukan Komanwel, Sukan SEA, dan tidak kurang temasya sukan pada peringkat kebangsaan seperti SUKMA. Bagi sukan pada peringkat sekolah, sukan telah memanfaatkan masa murid-murid yang terluang daripada mengisi masa dengan aktiviti yang tidak berfaedah.

**UNIT
19**

Kenali Malaysia

Kemahiran Menulis

Ayat Topik	Industri pelancongan menyediakan peluang pekerjaan yang lebih luas dalam sektor tersebut.
Ayat Huraian	Perkembangan industri pelancongan meningkatkan permintaan tenaga kerja yang terlatih dan berpengalaman dalam industri ini pada peringkat pengurusan dan penyediaan.

Ayat Contoh	Sebagai contoh, industri pelancongan merupakan antara industri yang memerlukan tenaga kerja yang banyak seperti pekerja hotel, pemandu pelancong, dan pekerja kedai kraf tangan.
Ayat Penegas	Oleh itu, peluang pekerjaan yang berasaskan pelancongan mampu mengurangkan kadar pengangguran di negara kita serta meningkatkan taraf hidup rakyat.

**UNIT
20**

Cintai Malaysia

Kemahiran Membaca

Perkataan	Makna
1. wujud	benda yang nyata
2. kubah	atap atau bumbung yang melengkung menyerupai separuh bulatan
3. stalagmit	isi batu kapur yang berceran-cang dari bahagian bawah di dalam gua
4. stalagtit	isi batu kapur yg menjulur ke bawah dr bumbung gua
5. gergasi	sejenis makhluk seperti manusia yang sangat besar
6. memelihara	menjaga dengan baik
7. titi	jambatan kayu kecil yang diperbuat daripada batang kayu
8. lasak	dapat dipakai lama
9. khazanah	tempat menyimpan harta benda
10. komunis	orang yang mengikut dan mengamalkan faham komunisme

**UNIT
21**

Indahnya Ukhuwah

Kemahiran Mendengar dan Bertutur

Perlawanan persahabatan bola sepak antara Kelab Rukun Tetangga Taman Mutiara dengan Kelab Keluarga Sekolah Menengah Kebangsaan Mutiara menjadi landasan terbaik dalam mengeratkan hubungan penduduk Taman Mutiara dengan pihak Sekolah Menengah Kebangsaan Mutiara yang diadakan pada 16 Mei 2019. Dalam pada itu, perlawanan persahabatan ini dapat meningkatkan kemahiran pemain kedua-dua pasukan. Di samping itu, inisiatif pihak penganjur ini juga memberikan ruang kepada remaja mengisi masa lapang mereka dengan aktiviti yang berfaedah. Oleh itu, perlawanan persahabatan seumpama ini perlu diadakan untuk kebaikan semua pihak.

Kemahiran Membaca

Antara pesanan yang terdapat dalam petikan di atas ialah setiap remaja mestilah mengamalkan dan menerapkan semangat perpaduan dalam kalangan rakan sebaya. Mereka hendaklah menunjukkan sikap saling menghormati rakan-rakan yang berbeza latar belakang budaya dan agama. Selain itu, remaja juga mestilah mengasimilasikan budaya pelbagai kaum dalam kehidupan seharian. Selanjutnya, remaja hendaklah mengelakkan diri daripada mementingkan diri dan bersikap mementingkan kelompok etnik sendiri.

Kemahiran Menulis

Malaysia merupakan sebuah negara yang unik kerana terdiri daripada masyarakat pelbagai kaum seperti Melayu, Cina, India, Kadazan, Iban, dan sebagainya. Masyarakat berbilang kaum ini mempunyai agama, kebudayaan, dan kepercayaan masing-masing. Oleh itu, perpaduan kaum penting diamalkan dalam kalangan mereka untuk mengelakkan persengketaan.

Dalam pada itu, perpaduan dalam kalangan rakyat Malaysia penting untuk mengekalkan kemerdekaan negara. Generasi terdahulu telah bersusah payah untuk mendapatkan kemerdekaan. Masyarakat berbilang kaum yang menduduki Tanah Melayu ketika itu telah berganding bahu untuk menuntut kemerdekaan daripada pihak Inggeris. Kesannya, masyarakat kini hidup harmoni tanpa gangguan penjajah.

Selain itu, perpaduan kaum dapat menyemarakkan semangat kekitaan dalam kalangan masyarakat berbilang kaum. Semangat kekitaan penting untuk menjayakan sesuatu program bersama-sama. Hal ini secara tidak langsung akan menyebabkan pembangunan negara dapat dijalankan dengan jayanya. Oleh itu, semangat kekitaan penting untuk mengekalkan perpaduan dalam kalangan masyarakat yang terdiri daripada pelbagai kaum.

Di samping itu, perpaduan dapat membangunkan ekonomi negara. Perpaduan yang ditunjukkan oleh masyarakat Malaysia akan menarik minat pelancong asing untuk melancong ke negara kita. Hal ini demikian kerana, mereka ingin mengenali dengan lebih dekat lagi budaya masyarakat Malaysia yang berbeza kaum dan agama, tetapi dapat hidup dengan aman dan harmoni. Hal ini akan menyebabkan ekonomi negara akan berkembang kerana pengaliran wang asing masuk ke negara kita semakin meningkat.

Sehubungan itu, perpaduan dapat juga menaikkan imej negara di mata dunia. Perpaduan kaum membuktikan bahawa pemimpin Malaysia dapat memerintah dengan baik hasil kerjasama antara semua kaum tanpa sebarang permasalahan. Banyak negara luar yang ingin mencontohi Malaysia dalam mentadbir negara. Imej yang baik ini telah membolehkan Malaysi terpilih sebagai pengerusi dalam beberapa badan pertubuhan antarabangsa.

Kesimpulannya, masyarakat Malaysia juga perlu memainkan peranan dalam memupuk perpaduan kaum supaya negara kekal dalam kemerdekaan. Rakyat Malaysia perlu mengamalkan sikap bertolak-ansur dalam semua perkara untuk menjaga perpaduan kaum.

Aspek Tatabahasa

A

Kesalahan	Pembetulan
1. sebidang	sebatang
2. bilah	das
3. sebuah	sebatang
4. sekeping	sehelai

B

Kesalahan	Pembetulan
1. biji	buah
2. bentuk	buah
3. urat	utas
4. utas	bentuk

Kemahiran Mendengar dan Bertutur

- bahasa kebangsaan; dimartabatkan; pentadbiran negara
- era globalisasi; bertamadun; perbualan seharian
- kesedaran; jati diri; bahasa ibunda
- memanfaatkan; perpaduan rakyat; bahasa jiwa bangsa

Aspek Tatabahasa

- Ayat penyata
 - Majlis pelancaran Bulan Bahasa Kebangsaan telah diadakan pada 12 Oktober 2020.
 - Majlis Pelancaran Bulan Kebangsaan telah diadakan pada pukul 9.00 pagi.
- Ayat seruan
 - Eh, Menteri Besar Kedah telah menyempurnakan Majlis Pelancaran Bulan Bahasa Kebangsaan!
 - Wah, pelbagai aktiviti menarik telah diadakan sempena Bulan Bahasa Kebangsaan!
- Ayat tanya
 - Di manakah Majlis Pelancaran Bulan Bahasa Kebangsaan telah diadakan?
 - Siapakah yang telah menyempurnakan Majlis Pelancaran Bulan Bahasa Kebangsaan 2020?
- Ayat perintah
 - Jangan lepaskan peluang untuk menyertai pelbagai aktiviti yang akan diadakan sempena Bulan Bahasa Kebangsaan.
 - Tolong beritahu rakan-rakan kamu tentang tarikh majlis pelancaran Bulan Bahasa Kebangsaan pada tahun ini.

Kemahiran Mendengar dan Bertutur

- Rukun Negara diisytiharkan pada 31 Ogos 1970.
- Rukun Negara diisytiharkan oleh Seri Paduka Baginda Yang di-Pertuan Agong ke-IV, iaitu Almarhum Tuanku Ismail Nasiruddin Shah Ibni Almarhum Sultan Zainal Abidin.
- Rukun Negara dibentuk untuk mengukuhkan perpaduan dalam kalangan masyarakat berbilang kaum.
- Lima prinsip yang terdapat dalam Rukun Negara ialah Kepercayaan kepada Tuhan, Kesetiaan kepada Raja dan Negara, Keluhuran Perlembagaan, Kedaulatan Undang-Undang, dan Kesopanan dan Kesusilaan.
- Pada pendapat saya, kepentingan pembentukan Rukun Negara adalah untuk mengukuhkan perpaduan dalam kalangan rakyat yang terdiri daripada pelbagai kaum dan agama. Selain itu, Rukun Negara penting untuk mewujudkan keharmonian dalam kalangan masyarakat pelbagai bangsa.

Aspek Seni Bahasa



Kemahiran Membaca

Isi-isi Tersurat

1. Hari Keusahawanan Sekolah diadakan untuk menambahkan wang tabungan persatuan dan kelab sekolah ini.
2. Aktiviti ini dapat memberikan manfaat kepada pihak sekolah kerana sebahagian keuntungan yang diperolehi dapat digunakan untuk menceriakan dan melestarikan kawasan sekolah.
3. Aktiviti ini mampu menyemaikan budaya niaga kepada murid-murid.
4. Aktiviti ini dapat membina keyakinan diri apabila mereka menghadapi cabaran dan rintangan dalam perniagaan.
5. Aspek budaya saing keusahawanan dapat dipupuk sejak kecil dalam kalangan usahawan muda.

Kemahiran Menulis

Isi 1

- Antara faktor kejayaan seorang usahawan ialah penguasaan ilmu perniagaan..
- Hal ini di katakan demikian kerana, tanpa penguasaan ilmu perniagaan kita mudah ditipu dan ditindas oleh golongan lintah darat. Kita juga boleh menjalankan kajian tentang cara untuk memperoleh keuntungan yang maksimum pada setiap tempoh perniagaan.
- Antara bidang keilmuan yang boleh diceburi untuk mendalami dunia keusahawanan ialah Sains Akuatori, Prinsip Perakaunan, Ekonomi Asas , dan Matematik Perniagaan.
- Memang tidak dinafikan bahawa penguasaan ilmu perniagaan membolehkan kita menjadi seorang usahawan yang berjaya.


Isi 2

- Selain itu, faktor yang paling dominan ialah modal yang mencukupi.
- Modal terbahagi kepada dua, iaitu modal wang dan modal fizikal. Modal wang merupakan modal yang boleh dcairkan untuk mengeluarkan sesuatu produk yang menelan kos. Modal fizikal pula ialah mesin, bangunan kilang, dan bahan mentah. Tanpa ketiga-tiga objek ini, usahawan tidak akan dapat mengeluarkan produk yang menguntungkan. Ganjaran kepada pemilik modal ialah faedah atau dikenal sebagai bunga.
- Modal boleh diperolehi melalui pinjaman bercagar atau dikenal sebagai pinjaman persendirian dari bank-bank perdagangan. Selain itu, wang modal boleh juga dimohon daripada agensi kerajaan seperti MARA, TEKUN, dan Pusat Urus Zakat.
- Tegasnya, modal yang mencukupi akan menjamin kejayaan seseorang usahawan dalam bidang keusahawanan.

Kemahiran Mendengar dan Bertutur

Sekiranya saya ingin membuat pelaburan, saya akan memilih pelaburan melalui produk PNB. Hal ini demikian kerana, pelaburan ini berisiko rendah kerana dijamin oleh kerajaan Malaysia. Selain itu, dividen yang ditawarkan juga agak tinggi, iaitu antara 7 hingga 8 peratus setahun.

Kemahiran Menulis



Kemahiran Mendengar dan Bertutur

Razali : Apakah maksud pertanian bandar?

Ethan : Pertanian bandar bermaksud penduduk bandar menanam sayur-sayuran atau tanaman makanan di sekitar kediaman mereka.

Razali : Mengapakah kerajaan memperkenalkan program pertanian bandar ini?

Ethan : Kerajaan memperkenalkan program pertanian bandar ini untuk mengurangkan beban kos sara hidup penduduk bandar.

Razali : Pada pendapat Ethan, apakah jenis sayur-sayuran yang boleh ditanam dalam program pertanian bandar ini?

Ethan : Jenis sayur-sayuran yang boleh ditanam dalam program pertanian bandar ini ialah cili, tomato, daun kari, serai, dan sebagainya.

Razali : Apakah kebaikan program pertanian bandar?

Ethan : Kebaikan program pertanian bandar ialah penduduk di bandar dapat menanam dan mengeluarkan bahan makanan sendiri bagi menampung keperluan harian.

Selain itu, mereka dapat mengurangkan kos sara hidup. Dalam pada itu, penduduk bandar dapat menambahkan pendapatan sampingan melalui lebih pengeluaran hasil pertanian.

Razali : Terima kasih, Ethan kerana sudi berkongsi maklumat dengan saya tentang program pertanian bandar.

Ethan : Sama-sama.

Kemahiran Membaca

Idea Utama	Idea Sampingan
Faedah pertanian ialah negara akan menerima pendapatan yang bukan sahaja tinggi malah stabil pada setiap tahun	Pendapatan negara yang stabil akan menjadikan negara tidak mengalami masalah kemelesetan ekonomi.
Perkembangan pesat dakan sektor pertanian telah membuka lebih banyak peluang pekerjaan kepada rakyat tempatan.	Secara tidak langsung, kewujudan peluang kerja dapat menjamin masa depan pekerja dan taraf hidup mereka akan menjadi lebih baik.
Sektor pertanian penting untuk memastikan sekuriti bekalan makanan yang mencukupi kepada masyarakat	Memandangkan hal itu, kerajaan mahu mengurangkan kebergantungan hasil pertanian dari negara luar.



UNIT 28 Di Tanah dan di Air

Kemahiran Menulis

Sektor pertanian merupakan sektor penting kerana sektor ini ialah pembekal makanan dan sumber bahan mentah kepada penduduk di dunia. Di Malaysia, sektor pertanian merupakan sektor penting yang menyumbang bahan makanan kepada rakyat. Sektor pertanian turut membolehkan Malaysia mengeksport makanan ke negara-negara lain. Memandangkan sektor pertanian banyak mempunyai kebaikan, maka pelbagai langkah perlu diambil untuk meningkatkan sektor pertanian di negara ini.

Aspek Tatabahasa

- | | |
|-------------------------|-----------------------|
| 1. betul, baik, bermutu | 6. serius, sistematik |
| 2. terbuka, banyak | 7. cepat, tinggi |
| 3. utama | 8. baharu, intensif |
| 4. komited, cerah | 9. cergas |
| 5. mudah, cepat | 10. panjang |



UNIT 29 Hebatnya Teknologi

Kemahiran Mendengar dan Bertutur

Anda : Saya tidak bersetuju sekiranya murid-murid dibenarkan untuk menggunakan telefon bimbit di sekolah kerana penggunaan telefon bimbit dalam kalangan murid di sekolah banyak membawa implikasi negatif.

Rakan : Betul. Murid-murid yang menggunakan telefon bimbit di sekolah akan leka dan tidak dapat menumpukan perhatian terhadap pengajaran guru di dalam kelas. Selain itu, bunyi telefon bimbit juga akan mengganggu proses pengajaran dan pembelajaran di dalam kelas.

Anda : Di samping itu, membawa telefon bimbit ke sekolah akan meningkatkan kesecurian di sekolah. Murid-murid sering menjadikan telefon bimbit sebagai lambang status diri mereka. Oleh itu, kebanyakan murid suka membeli telefon bimbit yang berharga tinggi. Namun begitu, terdapat segelintir murid yang panjang tangan. Lebih membimbangkan lagi apabila terdapat murid yang mengugut dan merompak telefon murid-murid yang lebih muda daripada mereka. Keadaan ini akan meningkatkan kes buli dan seterusnya membebankan guru-guru.

Rakan : Selain itu, pembelajaran di dalam kelas juga akan terganggu jika murid dibenarkan membawa telefon bimbit ke sekolah. Hal ini demikian kerana, murid-murid akan menghantar pesanan melalui sistem pesanan ringkas, malah berbual-bual dengan rakan-rakan mereka secara maya. Keadaan ini bertambah buruk apabila telefon bimbit dijadikan alat untuk meniru semasa peperiksaan. Murid-murid akan bertukar jawapan melalui sistem pesanan ringkas.

Anda : Oleh itu, saya berpendapat bahawa penggunaan telefon bimbit di sekolah oleh murid-murid merupakan suatu cadangan yang tidak baik.

Rakan : Ya, saya bersetuju dengan pendapat kamu.

Kemahiran Menulis

Kesalahan	Pembetulan
1. adalah	ialah
2. hentakkan	hentakan
3. 1.8 Meter	1.8 meter
4. sharikat	syarikat
5. eletrik	elektrik
6. Daripada	Dari
7. spesifikasi	spesifikasi
8. pemproses	pemprosesan
9. celcius	Celsius
10. Oleh kerana	Oleh sebab



UNIT 30 Dunia Kreativiti

Kemahiran Membaca

Kreativiti dan inovasi amat penting bagi seseorang usahawan dan juga sesebuah perniagaan. Dalam dunia perniagaan yang persaingannya semakin sengit, unsur kreativiti dan inovasi dapat menjamin perniagaan tersebut berterusan dan memperoleh keuntungan serta memenuhi cita rasa manusia yang berbeza dan pelbagai.

Aspek Seni Bahasa

Dunia semakin canggih,
Kerja yang susah, kini semakin senang,
Orang yang jauh, kini semakin dekat,
Semuanya kerana ledakan teknologi canggih,
Semakin berkembang setiap minit,
Telefon pintar, komputer riba,
Semua maklumat dihujung jari,
Manusia semakin berpengalaman,
Namun begitu, nilai kasih sayang semakin terhakis.

Kemahiran Mendengar dan Bertutur

Punca-punca yang menyebabkan pencemaran sungai ini perlulah diteliti dengan lebih mendalam agar usaha-usaha menangani masalah pencemaran ini dapat dijalankan dengan lebih berkesan. Pihak kerajaan seharusnya mengambil langkah yang proaktif dengan mengadakan lebih banyak kempen kesedaran tentang kepentingan penjagaan sungai. Malah pihak yang berwajib juga seharusnya mengenakan denda yang lebih tinggi kepada pihak-pihak yang melakukan pencemaran sungai serta mengadakan pemantauan yang lebih kerap terhadap kualiti air sungai di negara kita, bak kata pepatah mencegah lebih baik daripada mengubati. Dalam pada itu, pihak berkuasa seperti pegawai daripada Jabatan Alam Sekitar perlu membuat rondaan yang lebih menyeluruh di kawasan sungai yang dikatakan berisiko tinggi untuk tercemar. Semua tindakan ini akan memberikan amaran kepada pihak yang mencemarkan sungai bahawa aktiviti mereka sedang dipantau oleh pihak berkuasa sepanjang masa..

Kemahiran Membaca

1. Ayah berharap agar anaknya menjaga tingkah laku dan menjadi insan yang berhemah tinggi.
2. Ayah menasihati anaknya supaya mengikut nasihat yang diberikan dan janganlah bersikap malas.
3. Ayah menasihati anaknya supaya bertindak dengan betul dan rajin bekerja sekiranya dilantik sebagai pemimpin.
4. Ayah menasihati anaknya supaya ikhlas melakukan kebajikan tanpa mengharapkan sebarang balasan.
5. Ayah menasihati anaknya supaya tidak malas menuntut ilmu. Ilmu yang dituntut itu hendaklah ilmu yang betul seperti yang diperintahkan oleh Allah SWT.

Kemahiran Menulis

Pencemaran air akan menjejaskan kualiti air. Hal ini demikian kerana, bahan-bahan toksik yang bercampur dengan air sungai atau tasik, secara langsung akan menyebabkan kandungan nitrat yang berlebihan dalam air minuman dan boleh menjejaskan kesihatan manusia. Sehubungan itu juga, kerajaan akan menanggung kos rawatan air yang pastinya akan meningkat oleh sebab kualiti air yang sudah tercemar ini. Selain itu, pencemaran air juga akan menyebabkan kemusnahan hidupan akuatik. Hal ini disebabkan sumber air akan dicemari oleh logam berat, racun makhluk perosak, pencemaran organik, dan peningkatan kelodak dalam air. Seterusnya, pencemaran air juga menyebabkan keindahan kawasan pelancongan akan terjejas. Pantai-pantai yang dipenuhi sampah sarap menjengkelkan dan tidak indah untuk dipandang. Hal ini akan menyebabkan sektor pelancongan akan mengalami kerugian.

Kemahiran Menulis

Pendahuluan:

hutan merupakan khazanah yang amat bernilai – membekalkan pelbagai sumber kepada negara, termasuk kayu-kayan yang bermutu tinggi – aktiviti pembalakan yang tidak terkawal memberikan pelbagai kesan negatif, terutama terhadap alam sekitar

Isi-isi penting:

- (a) menyebabkan kemusnahan habitat dan ekosistem – hutan merupakan habitat pelbagai spesies flora dan fauna – aktiviti pembalakan yang berleluasa memusnahkan habitat tersebut – haiwan hutan kebuluran dan mati kerana kekurangan sumber air
- (b) peranan hutan sebagai kawasan tadahan air semula jadi tidak dapat berfungsi dengan baik lagi – akar pokok tidak dapat menyerap dan menapis air
- (c) menyebabkan kejadian tanah runtuh – aktiviti pembalakan yang tidak dirancang menyebabkan struktur tanah longgar dan tidak stabil – akibatnya, tanah mudah runtuh terutama pada musim hujan menyebabkan kesan geomorfologi – seperti luluhawa – tanah yang kehilangan pencengkam mudah terhakis dan bertindak balas terhadap proses semula jadi yang lain
- (d) mengubah cuaca dunia atau pemanasan setempat – suhu persekitaran meningkat kerana ketiadaan pelindung yang menghalang pancaran matahari – gas karbon dioksida dalam atmosfera berlebihan – menyebabkan hujan berkurangan – udara kering dan cuaca menjadi panas

Penutup:

semua pihak perlu memainkan peranan masing-masing untuk melestarikan alam hijau nan segar – kita meminjam alam sekitar daripada generasi akan datang – oleh yang demikian, alam sekitar harus dijaga dengan sebaik-baiknya

Kemahiran Mendengar dan Bertutur

Denitha : Wah, nampaknya penerbitan filem animasi di Malaysia semakin berkembang pesat!

Sasikala : Ya, Denitha. Hal ini demikian kerana, rakyat Malaysia kini sangat berbakat dan mempunyai idea yang kreatif selari dengan kecanggihan teknologi perfileman.

Denitha : Benar Sasikala. Bidang animasi di Malaysia bukan suatu bidang yang baharu lagi dan asing dengan masyarakat Malaysia. Bidang ini mempunyai nilai potensi sangat besar kerana bidang ini amat dekat dengan dunia kanak-kanak.

Sasikala : Saya masih ingat lagi, animasi di Malaysia bermula sejak tahun 1978 melalui animasi pertama, iaitu Hikayat Sang Kancil, garapan Anandam Xavier dan sekitar 1990-an, industri animasi semakin mendapat tempat melalui siri-siri animasi seperti Usop Sontorian, Kluang Man, Anak-Anak Sidek, dan banyak lagi. Kini, antara produk yang menjadi kebanggaan Malaysia ialah siri animasi Upin dan Ipin, Boboiboy, dan Saladin. Filem animasi ini bukan hanya gemar ditonton oleh kanak-kanak, malah orang dewasa turut meminatinya.

Denitha : Maka sebab itulah rata-rata stesen televisyen di Malaysia tidak ketinggalan dalam menyiarkan pelbagai program animasi. Walau bagaimanapun, selain menjadi hiburan, karya-karya animasi kanak-kanak ini banyak menerapkan nilai-nilai murni melalui watak-watak yang ditonjolkan dan susunan plot yang mampu memberikan kesan kepada masyarakat umumnya dan kanak-kanak khususnya.

Sasikala : Betul Denitha. Semoga industri filem animasi Malaysia terus mencipta sesuatu bermanfaat untuk masyarakat dengan mengambil perhatian serius terhadap pembentukan modal insan berkualiti melalui karya-karya yang dihasilkan.

Kemahiran Membaca

Idea utama 1	Sektor perindustrian dapat meningkatkan pendapatan negara.
Idea sampingan 1	Aliran wang masuk ke dalam negara dapat ditingkatkan apabila negara mengeksport barangan perindustrian ke luar negara.
Idea utama 2	Sektor perindustrian menyediakan peluang pekerjaan kepada rakyat tempatan.
Idea sampingan 2	Peluang pekerjaan semakin bertambah apabila lebih banyak bidang perindustrian diterokai di negara kita.
Idea utama 3	Sektor perindustrian boleh memajukan sektor pertanian.
Idea sampingan 3	Kemajuan bidang perindustrian turut merangsang perkembangan sektor pertanian.
Idea utama 4	Sektor perindustrian mampu meningkatkan imej negara kita di persada dunia.
Idea sampingan 4	Kemajuan dalam sesebuah bidang perindustrian membolehkan kita bersaing dengan negara-negara di seluruh dunia.
Idea utama 5	Sektor perindustrian turut membolehkan budaya negara kita diperkenalkan kepada masyarakat di luar negara.
Idea sampingan 5	Perindustrian dapat menggambarkan keunikan masyarakat Malaysia serta boleh mendapat pasaran yang luas di luar negara.



UNIT 34 Industri Berdaya Maju

Kemahiran Menulis

Ayat	Ayat Lengkap
Ayat Topik	Mengurangkan kebergantungan kepada sumber laut sahaja
Ayat Huraian	Sumber perikanan laut akan menjadi semakin berkurangan akibat pencemaran laut atau tangkapan yang berlebihan. Namun begitu, dengan adanya perikanan akuakultur masalah ini dapat diatasi.
Ayat Contoh	Misalnya, bekalan ikan tidak terganggu mengikut musim seperti musim tengkujuh malah dapat ditampung oleh sumber akuakultur.

Ayat Penegas	Jadi, sekiranya bekalan laut tidak mencukupi, penduduk boleh bergantung kepada sumber perikanan akuakultur sahaja.
--------------	--

Ayat	Ayat Lengkap
Ayat Topik	Memperkembangkan teknologi dan R&D
Ayat Huraian	Perkembangan teknologi pembiakbakaan dan pemakanan ternakan akuakultur dengan pesat membolehkan pelbagai kajian dijalankan untuk mengembangkan industri ini. Perkembangan R&D membolehkan lebih banyak ikan akuakultur ditenak.
Ayat Contoh	Contohnya, kajian dijalankan dalam teknologi pengawetan dan pembungkusan untuk menjamin kesegaran terutamanya untuk pasaran eksport.
Ayat Penegas	Pendek kata, perikanan akuakultur turut menyumbang kepada perkembangan teknologi perikanan di Malaysia.

Ayat	Ayat Lengkap
Ayat Topik	Mewujudkan pelbagai bidang ekonomi dan memanfaatkan sumber terbiar
Ayat Huraian	Perikanan akuakultur membolehkan pelbagai bidang ekonomi yang berkaitan dengan perikanan akuakultur diadakan.
Ayat Contoh	Sebagai contoh, perikanan akuakultur mewujudkan perindustrian membuat keropok ikan, mengembangkan ekonomi pengangkutan, dan memajukan bidang periklanan. Perindustrian akuakultur turut memanfaatkan sumber seperti kolam, tasik, bekas lombong, dan sebagainya yang boleh digunakan untuk menternak ikan.
Ayat Penegas	Oleh itu, bidang perindustrian yang lain berasaskan perikanan akuakultur turut berkembang dengan maju.

Aspek Seni Bahasa

- Bangunkan industri berdaya maju, Supaya rakyat kekal sejahtera.
- Untuk maju dalam industri, Budaya inovasi perlu diterapkan.
- Dengan adanya budaya inovasi, Kerja yang sukar menjadi senang.




UNIT 35 Patriot Bangsa

Kemahiran Mendengar dan Bertutur

Pertubuhan Negara-negara Asia Tenggara (ASEAN) dianggotai oleh Malaysia, Indonesia, Filipina, Singapura, Thailand, Brunei Darussalam, Vietnam, Laos, Myanmar, dan Kemboja. Matlamat penubuhan ASEAN adalah untuk membentuk kerjasama yang dapat menggalakkan pembangunan dan kemajuan ekonomi. Misalnya, pertubuhan ini mengadakan Projek Baja Urea di Indonesia dan Malaysia. Selain itu, penubuhan ASEAN dapat

menjamin kestabilan politik sesebuah negara. Contohnya, kerjasama politik yang wujud antara negara-negara ASEAN merupakan saluran untuk menyelesaikan pertikaian yang berlaku di Asia Tenggara secara aman dan bukan menggunakan kekerasan. Di samping itu, matlamat penubuhan ASEAN adalah untuk mengekalkan keamanan sejagat melalui kerjasama antarabangsa. Sebagai contohnya, ASEAN memelihara keamanan dan kestabilan politik di rantau Asia Tenggara serta menjalinkan kerjasama yang erat dengan negara-negara seperti China, Amerika Syarikat, dan lain-lain negara. Dalam pada ini, penubuhan ASEAN memudahkan sesebuah negara yang ditimpa bencana menerima bantuan. Misalnya, ketika bencana tsunami menimpa negara Indonesia, negara-negara anggota ASEAN yang lain menghulurkan bantuan kemanusiaan. Seterusnya, penubuhan ASEAN menjamin keselamatan rakyat dan negara. Contohnya, penubuhan ASEAN mengelakkan penglibatan dalam pertikaian antara kuasa besar. Jadi, penubuhan ASEAN penting untuk menjamin keselamatan negara-negara di Asia Tenggara.

Kemahiran Menulis



Kemahiran Mendengar dan Bertutur

Almarhum Tunku Abdul Rahman ialah Perdana Menteri Malaysia yang pertama. Beliau dilahirkan pada 8 Februari 1903 di Istana Tiga Tingkat, Alor Setar, Kedah. Beliau seorang yang berpengetahuan. Misalnya, beliau pernah mendapat pendidikan di dalam dan luar negara seperti di Maktab Sultan Abdul Hamid, Penang Free School, Universiti Cambridge, dan Inner Temple, London. Bidang pendidikan yang dipelajari beliau mempengaruhi kerjaya beliau. Misalnya, beliau belajar dalam jurusan undang-undang di Inner Temple, London. Pada 1955, beliau menjadi Ahli Majlis Perundangan Persekutuan. Tunku Abdul Rahman pernah menjadi Presiden UMNO dan Presiden Parti Perikatan. Hal ini menunjukkan bahawa beliau mempunyai ciri-ciri kepimpinan yang tinggi. Seterusnya, beliau juga terlibat untuk memerdekakan Tanah Melayu. Hal ini menunjukkan bahawa beliau seorang yang cinta akan tanah air.

Kemahiran Menulis

Kepentingan Pembentukan Pembimbing Rakan Sebaya

- Menjadi pengaruh positif kepada murid-murid lain
- Menjadi teladan yang baik kepada rakan yang lain
- Mendengar masalah yang diceritakan oleh rakan
- Memujuk rakan dengan kata-kata yang baik
- Membantu rakan untuk menyelesaikan masalah